

Danki na Prins Bernhard Cultuur Fonds cu **Aruba por participa n'e Intercambio Cultural cu Musica di Folklore na Corsou**

INTERCAMBIO Cultural Concierto ABC ta un proyecto cu a cuminsa na Aruba, dia 14 y 15 di maart 2015, unda Fundacion Mi Cutisa (FMC) a organisa Concierto ABC den Cas di Cultura. For di Corsou e cantante Ced Ride a bin cu su grupo "Folklor", for di Bonaire a bin Wesley St. Jago cu su grupo tipico "Sabor Krioyo" y Aruba a keda representa pa Jossy Brokke, acompaña pa un grupo di musico bou di guia di Johnny Scharbaay.

Pa FMC por a manda Jossy Brokke, Johnny Scharbaay, 7 musico y 4 corista participa den Concierto ABC tanto na Bonaire y Corsou, no tabata nada facil.

Ta hopi hende tin involvi pa por organisa y carga e proyecto aki. Y ta masha hopi hende ta envolcra den e sosten financiero pa por realisa un intercambio cultural cu musica y folklore di bo pais.

P'e motibo aki FMC kier gradici publicamente tur instancia, organisacion y persona individual cu di un of otro forma a duna nan cooperacion pa FMC: 1. Por a organisa Concierto ABC na Aruba, 2. por a participa na Concierto ABC na Bonaire y 3. por bay Corsou otro weekend pa forma parti di Concierto ABC na Corsou.

Especialmente pa nos participacion na Corsou, tur integrante ta sumamente agradecido cu e subsidio cu FMC a ricibi di Prins Bernhard Cultuur Fonds (PBCCG).

Na ocasion di FMC su di 10 aña di existencia, a logra haya un subsidio di PBCCG pa e suma di Afl 10.000,--. Asina PBCCG a yuda cubri e gastonan involvi pa manda un delegacion cu ta consisti di 14 persona Corsou.

Tambe FMC kier gradici Grupo Bereya cu a haci un donacion substancial y Top Star NV cu a yuda sponsor e biahe aki.

Banda di tur e sostennan financiero menciona, FMC lo no por a realisa e participacion di Aruba sin e fundraisingnan cu FMC a organisa cu benta di sopi y Marshe di Purga. Un danki special ta bay na tur persona cu a duna nan contribucion tanto p'e fundraising di juni na Centro di Barrio Noord, como esun di november.

Ta un satisfaccion grandi pa FMC mira cuanto hende ta aporta y apoya e trabou di FMC. No tin palabra pa gradici p'e sostén. Sin e subsidio nificante di Prins Bernhard Cultuur Fonds y tur demas donacion, no tabata posible pa FMC logra e meta aki. Nos no por keda sin gradici tur medio di comunicacion y tur redaccion di corant, cu sin nan publicacion nos no ta yega na nos publico.

Un danki special ta bay n'e locutornan Robert Jeandor, Johny Habibe, Ruben Garcia y Bertha Wolff, kende nan semper ta duna na cooperacion na tur actividad di FMC.

